

COMUNICATU

**FemuQui Ventures lancia Travalcà F.P.C.I.,
Un fondu di capitale-investiscimentu senza paru in Corsica**

Bastia, u 13 di lugliu di u 2023

* * * *

Annunzia FemuQui Ventures u lanciamentu di Travalcà, un fondu prufeziunale di capitale-investiscimentu (F.P.C.I.) dedicatu à e piccule è medie imprese (PME) corse. In lu solcu di i 30 anni d'investiscimentu di FemuQui, stu fondu hè una nova tappa maiò. Prupone una opportunità senza paru à l'impresari chì creanu è sviluppanu imprese spurtatrice è cumpetitive à parte si di a Corsica.

Chì face Travalcà ?

Hè stata definita a taglia di u fondu pè risponde à i bisogni di u mercatu, cusì pò intervene fin'à 2,5 milioni d'euri per impresa, dopu à una selezione rigurosa. Si doppia l'investimentu d'un accumpagnamentu attivu cù u scopu d'aiutà a messa in opera di a strategia di l'impresa, in l'isula ma ancu fora. U fondu intervererà in li principali settori di l'ecunomia isulana è offre una leva d'investiscimentu chì pò ghjunghje fin'à 100 milioni d'euri à prò di e PME.

À quale s'addirizza Travalcà ?

Principalmente à piccule e medie imprese (è ancu, per eccezzione, à e TPE o l'ETI) chì anu base sode, da chì una apertura di u capitale permetteria d'accelerà u sviluppu. Pò intervene in imprese chì facenu pettu à difficoltà cunghjunturale, in fase di rilanciu. Una quindicina d'impresare saranu accumpagnate durante i dece anni à vene. Cù issi mezzi finanziari è d'accumpagnamentu, s'ingaggia FemuQui Ventures à prò di a crescita è a resilienza di l'impresare corse, stimulendu l'ecunomia regiunale.

E caratteristiche strafinanziarie

Si scrivenu l'intervenzioni di Travalcà in a cuntinuità di l'azione storica di FemuQui è cusì favurisceranu a creazione d'impieghi qualificati, a vularisazione di risorse paisane è a prutezzione di l'ambiu. Saranu puru incuragiti l'interessu ecunomicu, u sviluppu di i sapè fà, l'aduzione di sistemi bassu carbone di pruduzione è a responsabilità sucietale di l'impresare. U Fondu hè classificatu articulu 8 di u regulamentu SFDR (UE).

L'investiscitori

Travalcà hè un fondu à magiurità privata chì s'indirizza à l'investiscitori avertiti. Addunisce à u primu giru quasi 20 milioni d'euri.

Intornu à FemuQui S.A, u fondu reunisce, da u latu publicu, Bpifrance via u *Fonds de Fonds France Relance État-Région* (FFRER) - chì si scrive in u quadru di u pianu di rilanciu « *Facilité pour la Reprise et la Résilience* » è benefizendu di pianu di rilanciu europeu #NextGenerationEu - è a Cullettività di Corsica. Da u latu privatu, ci sò l'instituzione finanziarie mutualiste chì anu u so sede o un impiantu in Corsica. Crédit Agricole de la Corse hà ghjucatu un rollu maiò insemi cù a Mutuelle de la Corse ; c'hè dinù Banque Populaire Méditerranée è Caisse d'Épargne CEPAC.

Aprè avà FemuQui Ventures a suscrizione à d'altri investiscitori avertiti di manera à cresce u so impattu nant'à u sviluppu di l'imprese corse. A taglia aspettata hè di 25 milioni d'euri è a taglia massimale di 30 milioni d'euri.

Verbatim

« Simu ricunniscenti di l'inverstiscitori chì anu piazzatu a so cunfianza in a nostra squadra attraversu stu prugettu. Sprimu personalmente tutta a mo gratitudine verdi quelle è quelli chì custruiscenu sta piattaforma d'investiscimentu arradicata in Corsica. Speru chì i funditori di FemuQui è i corsi ne sò fieri. Ci ralleghemu di cuncretizà frà pocu i primi investiscimenti. »

Ghjuvan'Carlu Simeoni, Direttore generale di FemuQui Ventures.

« Pensu chè n'avemu creatu una dinamica ingiru à u prugettu Travalcà è chì ghjè impurtante pè FemuQui bella sicura, ma sopr'à tuttu, cù ciò ch'hà da vene, pensu chì stu fondu averà un impattu maiò nant'à a Corsica. »

Sébastien Simoni, Presidente di u Cunsigliu d'amministrazione di FemuQui S.A.

I cunsigli

L'avucati di l'offiziu Chammas & Marcheteau, cù Christophe Sevennec (sociu), Thomas Abulius (cunsigliu) et Clémence Pouliquen (avucata) nant'à a parte strutturazione di u fondu, è Christophe Moreau (sociu) è Morgan Toanen (avucatu) nant'à a parte fiscale.

Alexandre Alfonsi (Amministratore, FemuQui S.A.) per l'accompagnamentu strategicu.

À prupositu di FemuQui Ventures

FemuQui Ventures hè una sucietà di gestione di portafogliu nativa di Corsica chì reunisce 4.600 investiscitori, risparmianti, imprese, istituzioni private è pubbliche. Cù 7 fondi attivi, investe à latu à l'impresari corsi chì portanu prugetti di creazione, di sviluppu, di trasmissione, è d'apertura à l'internazionale.

FemuQui Ventures hè esciuta da FemuQui S.A., sucietà di capitale-investiscimentu creata in u 1992 cù 1.200 azzionari picculi purtatori. Insemi, anu un storicu di gestione di più di 30 anni è portanu un ambiziosu prugettu di sviluppu. Da l'origine, 120 persone anu participatu à a guvernanza di FemuQui, sbuccatu 90 operazioni è cuntribuitu à a creazione di più di 1.000 impieghi è 150M€ di creazione di valori.

Sapè ne di più : ventures.femuqui.com

Cuntatti

- Ghjuvan'Carlu Simeoni, Direttore generale di FemuQuì Ventures, gcs@femuqui.com, 06 16 02 06 61
- Alexandre Alfonsi, Amministratore FemuQuì S.A., a.alfonsi@femuqui.com

* * * *